

古文辭類纂評註

吳興王文濡校註

校重  
古文辭類纂  
評註

許校  
音注

古文辭類纂卷三十八

傳狀類二

歸熙甫通議大夫都察院左副都御史李公行狀○○

少時已自不凡

聞公名濶字靜中

宋公名景字以賢

明太祖恨吳民爲賊  
士誠守賦特加重

公諱憲卿。字廉甫。世居蘇州崑山之羅巷村。以耕農爲業。通議始入居縣城。獨生公一子。令從博士學。山陰蕭御史鳴鳳。奇其姿貌。曰：是子他日必貴。吾無事閱其卷矣。先輩吳中英。有知人鑒。每稱之以爲瑚琏<sub>音胡 琏力展切</sub>之器。公雅自修飭。好交名俊。視庸輩不屑也。舉應天鄉試。試禮部不第。丁通議憂。服闋。再試中式。賜進士出身。明年。選南京吏部驗封司主事。歷遷郎中。吏在司者。莫不懷其恩。居九年。家宰鄞<sub>音鄞</sub>。聞公。奉新宋公。皆當世名卿。咸賞識之。陞江西布政司左參議。江右田土不相懸。而稅入多寡殊絕。如南昌新建二縣。僅百里。多山湖。稅糧十六萬。廣信縣六<sub>音轄</sub>。贛州縣十。糧皆六萬。南安四縣。糧二萬。三郡二十縣之糧。不及兩縣。巡撫傅都御史議均之。公在糧儲道。爲法均派折衷。最爲簡易。蓋國初以次削平僭僞。田賦往往因其舊貫。論者以爲蘇州田不及淮安半。而吳賦

此盡不滿於吳郡均田者因而發洩之

應變有才略

李尙書名默字時甘

親行拊循亦實事求是之一

十倍淮陰松江二縣糧與畿內八府百十七縣埒劣音其不均如此吳郡異時嘗  
 均田而均止於一郡且破壞兩稅陰有增羨民病之不若江右之善而惜不及  
 行也陞山東按察司副使兵備臨清先是虜薄京城又數聲言從井陘音口入  
 掠臨清臨清縮漕道商賈所湊人情恇音懼公處之宴然或為公地欲移任公  
 曰詎至於此境上屯兵數萬調度有方虜亦竟不至師尙詔反河南至五河兵  
 敗散獨與數騎走莘縣擒獲之在鎮三年商民稱其簡靜甌寧李尙書自吏部  
 罷還所過頗懈慢公勞送禮有加李公甚喜歎曰李君非世人情吾因以是識  
 其人會召還即日薦陞湖廣布政司右參政景王封在漢東未之國詔命德安  
 造王府公董其役又以承天修祿音恩殿陞河南按察司按察使受命四月尋  
 擢巡撫湖廣右僉都御史奏水災乞蠲古玄切貸親行鄂渚雲夢間拊循之東南  
 用兵禦日本軍府檄至調保靖容美桑植麻寮鎮溪大刺土兵三萬二千所過  
 牢虞無缺公因奏土司各有分守兵不可多調且無益徒糜糧廩其後土兵還  
 輒掠內地人口公檄所至搜閱悉送歸鄉里顯陵大水衝壞二紅門黃河便橋

不知費民力幾許  
敢不綱於此可見

瓊瑰二字通姑回切

而故邱龍飛慶雲宮殿。多隳撓。奏加修理。建立元祐宮碑亭。是時奉天殿災。敕命大臣開府江陵總督湖廣川貴採辦大木。工部劉侍郎方受命以憂去。上特旨陞公左副都御史代其任。先是天子稽古制建九廟而西苑穆清之居。歲有興造。頗寫蜀荆之材。公至則近水無復峻榦。乃行巴庸湖北道。轉荆岳至東南川。往來督責鈎之荒裔。中於是萬山之木稍出。然帝室紫宮舊制瓊瑰於永樂金柱圍長終不能合。公奏言。臣督率郎中張國珍李佑副使張正和盧孝達各該守巡。參政游震得。副使周鎬。僉事于錦。先後深入永順卯峒梭梭江。參政徐霈。僉事崔都。入容美。副使黃宗器。入施州金峒。參政靳學顏。入永甯迤東蘭州儒溪。副使劉斯潔。入黎州天全建昌。董策。入烏蒙。參政繆文龍。入播州眞州西陽。僉事吳仲禮。入永甯迤西落洪班鳩井鎮雄。程嗣功。入龍州。參政張定。入銅仁省溪。參議王重光。入赤水猴峒。僉事顧炳。入思南潮底。汪集。入永甯順崖。而湖廣巡撫右僉都御史趙炳然。巡按御史吳百朋。各先後親歷。荆岳辰常。四川巡撫右副都御史黃光昇。歷敘馬重夔。巡按御史郭民敬。歷邛雅。貴州巡撫

辨音處又通作冲

可見探取之難

因勢利導不失大臣之差

不拒絕於前而第乞哀於後其人亦兩方取巧者

右副都御史高翀。歷思石鎮黎。巡按御史朱賢。歷永甯赤水。臣自趨涪音州。六月上瀟。而巨材所生。必於深林窮壑。崇岡絕筍。人跡不到之地。經數百年而後。至合抱。又鮮不空灌。昔尚書宋禮。及近時尚書樊繼祖。侍郎潘鑑。探得逾尋丈者數株而已。今三省見探丈圍以上楠杉二千餘。丈四五以上亦一百一十七。視前亦已超絕矣。第所派長巨非常。故圍圓難合。臣奉命初。恐搜索未徧。今則深入窮搜。知不可得。而先年營建。亦必別有所處。伏望皇上。敕下該部計議。量材取用。庶臣等專心採辦。而大工早集矣。上允其奏。命求其次者。其後木亦益出自江淮。至於京師。籜音筏音相接。而天子猶以皇祖時。殿災後十年。始成。今未六七載。欲待得巨材。故建殿。未有期。而西工驟興。漕下之木。多取以爲用。三省吏民。暴露三年。無有休息期。大臣以爲言。天子亦自憐之。將作大匠。又能規削膠附。極般爾之巧。而見材度已足。用公懇乞興工罷採。以休荆蜀民。使者相望於道。詞旨甚哀。而工部大臣力任其事。天子從之。考卜興工有日矣。其後漕數比先所下。多有奇羨。凡得木一萬一千二百八十九章。公上最推功於

因其難而見其功

三巡撫下至小官莫不錄其勞今不載獨載其所奏兩司涉歷採取之地曰四  
川守巡督儒溪之木播州之木建昌天全之木鎮雄烏蒙之木龍州蘭州之木  
湖廣督容美之木施州之木永順卯峒之木靖州之木及督行湖南購木於九  
嶷荆南購木於陝西階州武昌漢陽黃州購木於施州永順貴州則於赤水猴  
峒思南潮底永甯順崖其南出雲南金沙江云大抵荆楚雖廣山木少採伐險  
遠必俟雨水而出而施州石坡亂灘迂迴千里貴陽窮險山嶺深峭由川辰大  
河以達城陵磯音機蜀山懸隔千里排巖批谷灘急游險經時歷月始達會河而  
吏民冒犯瘴毒林木蒙籠與虺蛇虎豹錯行萬人邪音邪許音虎摧軋崩峯慈卹切鳥  
獸哀鳴震天岷音屹地蓋出入百蠻之中窮南紀之地其艱如此故附著之俾後  
有考焉昔稱雍州南山檀栢而天水隴西多材木故叢臺阿房建章朝陽之作  
皆因其所有金源氏營汴新宮採青峯山巨木猶以為漢唐之所不能致公乃  
獲之山童木遁之時發天地之藏助成國家億萬年之不圖其勤至矣是歲冬  
徵還內臺明年考察天下官已而病作請告病益侵乞還鄉天子許之行至東

叙其內行

嚴公名嵩字惟中

平安山驛而薨。嘉靖四十一年四月乙亥也。年五十有七。公仕宦二十餘年。未嘗一日居家。山東獲賊。湖廣營建。東南平倭。烏禾切累有白金文綺之賜。而提督採運之擢。旨從中下。蓋上所自簡也。祖考妣皆受誥贈。母杜氏封太淑人。所之官必迎養。世以爲榮。公事太淑人孝謹。每巡行。日遣人問安。還輒拜堂下。太淑人茹素。公踞以請者數。太淑人不得已。爲之進羞膳。平生未嘗言人過。其所敬愛。與之甚親。至其所不屑然。亦無所假借。在江陵。有所使吏遲至。公問其故。言方食市肆中。又無馬騎。故事臺所使吏廩食與馬。爲荊州奪之。公曰。彼少年欲立名耳。竟不復問。周太僕還自滇南。公不出候。蓋不知也。周公鄉里前輩。以禮相責誚。公置酒。仲宣樓。深自遜謝而已。爲人美姿容。自少衣服鮮好。及貴益稱其志。至京師。大學士嚴公迎謂之曰。公不獨才望逾人。丰采亦足羽儀朝廷矣。所居官廉潔不苛。採辦銀無慮數百萬。先時堆積堂中。公絕不使入臺門。第貯荊州府。募召商胡。賞購過當。人皆懷之。故總督三年。地窮邊裔。而民虜不驚。以是爲難。是歲奉天殿文武樓告成。上製名曰皇極殿門曰皇極門。而西宮亦不

日而就天子方加恩臣下敍任事者之勞而公不逮矣娶顧氏封淑人子男五  
延植國子生延節延芳延英延實縣學生女四適孟紹顏管夢周王世訓其一  
尚幼孫男七世彥官生世良世顯世達餘未名孫女六余與公少相知諸子來  
請撰述因就其家得所遺文字參以所見聞稍加論次上之史館謹狀

姚氏曰所序事繁重而氣能包舉亦集中傑構但首尾瑣細語尚宜翦裁

通議

憲卿父名玉卒贈通議大夫都察院左副都御史

蕭鳴鳳

字子雖王守仁弟子南漳人

瑚璉

宗廟盛黍稷器夏曰瑚商曰璉

璉應天

蘇江寧縣

新建

縣名明屬南昌府今屬豫章道

廣信縣六

上饒玉山弋陽貴溪鉛山興安按興安今改橫峯並屬豫

章道

贛州縣十都瑞金龍南石城今屬贛南道

南安四縣

大庾南康上猶崇義今屬贛南道

松江二

縣

華亭上海今華亭改松江並屬滬海道

兩稅

春秋兩稅

臨清

明為州今改為縣屬東臨道

虜薄句

嘉靖二十九年秋八月詔遠犯京師

隘口

即土門關在直隸井陘縣井陘山上

恒也

師尚詔

拓城盜叛攻歸德城旋討平之

五河

縣名明屬鳳陽府今屬

東昌府

今屬

甌寧

今屬

景王

明世宗第四子泰王載圳也嘉靖十八年封藩德安

德安

明為府治今屬湖北安陸縣

天

湖北鍾祥縣

鄂渚

在今湖北武昌

雲夢

澤名今潭在今湖北安陸縣南

容美

今湖北鶴峯縣

明設宣撫使

桑植

今湖南桑植縣

麻寮

麻寮廳在今湖南澧縣西北

鎮溪

在今湖南乾縣東北

大刺

顯名近 顯陵 世宗父 興 獻王陵 奉天殿災 在嘉靖三十六年夏 江陵 明荆州府治 今屬荆州府 南道 巴 今四川 庸

保靖縣 今湖北竹 棘道 今四川 宜賓縣 永樂 明成祖 年號 永順 明永順軍民宣慰司 治今湖南永順縣 施州金峒 施州 今湖北

恩施縣 明為衛 永甯 明為衛 設宣撫司 治今四川敘永縣 蘭州 或古蘭州之誤 在敘永東九十里 黎州 明黎州長官司 治今四川清溪

縣 天全 今四川 天全縣 建昌 明設衛在 今西昌縣 烏蒙 明烏蒙軍民府 治今雲南昭通縣 播州真州 今貴州遵義 正安兩縣 西

陽 明設宣慰司 治今四川西陽縣 鎮雄 今雲南縣 明置軍民府 屬四川 龍州 明龍州宣撫司 治今四川平武縣 銅仁省溪 明銅仁 府省溪

長官司 在今貴州銅仁縣西 赤水 明赤水衛 在今貴州畢節縣北 思南 明為府 治今貴州思南縣 荆岳辰常 荆州 岳州 辰州 常德 四府 敘

馬重夔 敘州 馬湖 重慶 夔州 四府 按馬湖即金沙江 明時置府於此 在今四川屏山縣 邛雅 邛州 雅州 治今四川邛崃 雅安二縣 思石鎮黎

四州 涪州 明屬四川重慶府 今改涪陵縣 瀘敘 瀘州及敘州府 箐竹 編排竹木 行於水上 將作大匠 官名 蔡

漢曰將作大匠 般爾 公輸般 王掌營造宮室 古巧人 九嶷 山在湖南 零陵縣 階州 治今甘肅武都縣 貴州句 此永寧 當為

縣 金沙江 源出青海巴顏哈喇山 由四川西徼之巴塘 南流入雲南西北邊 經麗江縣北 曰麗江 俗呼金沙江 城陵磯 在湖北監利縣東南 邪許

衆人共力之 岷 動貌 叢臺 在河南商水縣北 楚靈王作 建章 漢武帝宮 金源氏 金源水發源於上京路 見淮南子 仲宣樓 湖北當陽縣之城樓 魏王粲

理志按金源水即阿什河 周太僕 名廣 字充之 仲宣樓 湖北當陽縣之城樓 魏王粲

歸熙甫歸氏二孝子傳○○○

惡心符所以作也

彼固知有父母耳。思  
怨所不計也。此非左  
氏所謂純孝耶。

歸氏二孝子。余既列之家乘矣。以其行之卓而身微賤。獨其宗親鄰里知之。於是思以廣其傳焉。孝子諱鉞。月音字汝威。早喪母。父更娶後妻。生子。孝子由是失愛。父提孝子。輒索大杖與之。曰。毋徒手傷乃力也。家貧。食不足以贍。時監炊將熟。卽譏。音譏罪過孝子。父大怒。逐之。於是母子得以飽食。孝子數困。音匍匐音伏道中。比歸。父母相與言曰。有子不居家。在外作賊耳。又復杖之。屢瀕音於死。方孝子依依戶外。欲入。不敢俯首。竊淚下。鄰里莫不憐也。父卒。母獨與其子居。孝子擯不見。因販鹽市中。時私其弟。問母飲食。致甘鮮焉。正德庚午。大饑。母不能自活。孝子往。涕泣奉迎。母內自慚。終感孝子誠。懇從之。孝子得食。先母弟而已。有饑色。弟尋死。終身怡然。孝子少饑餓。面黃而體瘠小。族人呼爲菜大人。嘉靖壬辰。孝子鉞無疾而卒。孝子既老。且死。終不言其後母事也。繡字華伯。孝子之族子。亦販鹽以養母。己又坐市舍中賣麻。與弟紋音緯。友愛無間。緯以事坐繫。華伯力爲營救。緯又不自檢。犯者數四。華伯所轉賣者。計常終歲無他故。才給蔬食。一經吏卒過門。輒耗。終始無愠容。華伯妻朱氏。每製衣必三襲。令兄弟均

難得有此賢婦

衆人固不議也

平曰。二叔無室。豈可使君獨被完潔耶。叔某亡。妻有遺子。撫愛之如己出。然華伯人見之。以爲市人也。

贊曰。二孝子出沒市販之間。生平不識詩書。而能以純懿之行。自飭於無人之地。遭罹屯變。無恆產以自潤。而不困折。斯亦難矣。華伯夫婦如鼓瑟。汝威卒變。頑嚚銀音考其終。皆有以自達。由是言之。士之獨行而憂寡和者。視此可愧也。

市販之流。而有此孝友之行。此種文字。救正人心不少。濼議

譏議巧譏 貌。匍匐伏行也。正德明武宗年號。鼓瑟喻同心也。頑嚚舜父頑母嚚。舜卒有以感化之。嚚。愚也。

### 歸熙甫筠溪翁傳○○

余居安亭。一日有來告云。北五六里溪上。草舍三四楹。有筠音溪翁居其間。日吟哦。數童子侍側。足未嘗出戶外。余往省之。見翁頎音然。皙白。延余坐。淪音茗以進。舉架上書。悉以相贈。殆數百卷。余謝而還。久之。遂不相聞。然余逢人輒問。筠溪翁所在。有見之者。皆云翁無恙。每展所與書。未嘗不思翁也。今年春。張西卿從江上來。言翁居南澥音浦。年已七十。神氣益清。編摩殆不去手。侍婢生子。

一面而贈數百卷書  
其人之不俗不吝可知

別有感懣文情之微  
妙在此

一結意太平

方。瓜。孤。瓜。西。卿。狀。翁。貌。如。余。十。年。前。所。見。加。少。亦。異。矣。哉。噫。余。見。翁。時。歲。暮。天。風。憊。聊。慄。栗。野。草。枯。黃。日。將。晡。余。循。去。徑。還。家。嫗。兒。子。以。遠。客。至。具。酒。見。余。挾。書。還。則。皆。喜。一。二。年。妻。兒。皆。亡。而。翁。與。余。別。每。勞。人。問。死。生。余。雖。不。見。翁。而。獨。念。翁。常。在。宇。宙。間。視。吾。家。之。溘。然。而。逝。者。翁。殆。如。千。歲。人。昔。東。坡。先。生。為。方。山。子。傳。其。事。多。奇。余。以。為。古。之。得。道。者。常。遊。行。人。間。不。必。有。異。而。人。自。不。之。見。若。筠。溪。翁。固。在。吳。淞。烟。水。間。豈。方。山。子。之。謂。哉。或。曰。筠。溪。翁。非。神。仙。家。者。流。抑。巖。處。之。高。士。與。

姚氏曰傳筠溪翁而意思所屬又不在翁故為微妙

安亭 鎮名在江蘇昆山縣東南 頽然 長大貌 淪茗 煎茶也 憊慄 寒意朱熹詩起寒慄 溘也 奄忽 吳淞 江名太湖之支

流自湖東北流經吳江吳縣崑山青浦松江上海嘉定合黃浦江入海

歸熙甫陶節婦傳

姚氏云熙甫與人書云班孟堅云太史公質而不俚人亦易曉柳子厚稱馬遷之峻峻字不易知近作陶節婦傳慙儉甚聰明可辨

觀之又云昨為陶節婦傳李習之自謂不在班孟堅伯喈下也得求郡中善書者入石可摹百本送連城使海內知有此奇節亦知有此文也又云近於舟中作得陶節婦傳似雪中讀之一〇〇〇

心半想見續死之苦

此悲泣乃慮陶氏門戶小叔小嬸之不克主持耳非自悲其死也

實寫死時情形令人酸鼻

陶節婦方氏。崑山人陶子舸<sub>古我切</sub>之妻。歸陶氏期年。而子舸死。婦悲哀欲自經。或責以姑在。因俛<sub>俯同</sub>默久之。遂不復言死。而事姑日謹。姑亦寡居。同處一室。夜則同衾而寢。姑婦相憐甚。然欲死。其夫不能一日忘也。為子舸卜葬地。名清水灣。術者言其不利。婦曰。清水名美。何為不可以葬。時夫弟之西山買石。議獨為子舸穴。婦即自買磚穴其旁。已而姑病痢六十餘日。晝夜不去側。時尚秋暑。穢不可聞。常取中裙廁<sub>豆音</sub>。自浣灑之。家人有顧而吐。婦曰。果臭耶。吾日在側。誠不自覺。然聞病人溺臭。可得生。因自喜。及姑病日殆。度不可起。先悲哭不食者五日。姑死。含殮畢。先是子舸兄弟三人。仲弟子舫<sub>訪音</sub>亦前死。尚有少弟。於是諸婦在喪次。子舫妻言。姑亡後。不知所以為身計。婦曰。吾與若易處耳。獨小嬸共叔主祭。持陶氏門戶。歲月遙遙。不可知。此可念也。因相向悲泣。頃之入室。屑金和水服之。不死。欲投井。井口隘。不能下。夜二鼓。呼小婢隨行。至舍西。給<sub>音</sub>婢還。自投水。水淺。乍沈。乍浮。月明中。婢從草間望見之。既死。家人得其屍。以面沒水。色如生。兩手持芟根固甚。不可解也。婦年十八嫁子舸。十九喪夫。事姑九年。而

與其姑同日死。卒葬之清水灣。在縣南千墩教音浦上。

贊曰。婦以從夫為義。假令節婦遂從子。躬死而世猶將賢之。獨濡音儒忍以俟其

母之終。其誠孝概之於古人。何愧哉。初。婦父玉岡為斬其音水令。將之官。時子躬

已病。卜嫁之。大吉。遂歸焉。人特以婦為不幸。卒其所成。為門戶之光。豈非所謂

吉祥者耶。

死夫之心。歷九年而不變。此亦女中之蘇武也。濡讀

西山在太湖中。即包山。中裙廁脰漢書萬石君傳。取親中裙廁脰。身自澣洒。師古注。中裙。若今言中衣也。廁脰。近身小衫。千墩浦在崑

山縣東南三十六里。松江自吳門東下。至此南北凡有千墩。故名。斬水縣名。今屬湖

### 歸熙甫王烈婦傳○○

王烈婦陸氏。其夫王土。家崑山之西盆瀆村。崑故有薛烈婦。彭節婦。嘗居其地。

舍旁。今有薛冢焉。百六十年間。三烈婦相望也。自烈婦入王土門。其墓園枯竹

更青。三年三生芝。皆雙莖。比四年。芝已不生。而烈婦死。世謂芝為瑞草。芝之應

恆於貴富壽考康寧。而於烈婦以死。是可以觀天道也已。時王土病且死。自憐

村以三烈婦而傳  
家有烈婦亦是人瑞

如聞其聲不忍卒讀

想是漆工所語

收句愈見烈婦之烈

貧無子。難為其婦計。烈婦指心以誓。土目瞑。為絕水漿。家人作糜強進之。烈婦不得已。一舉輒輦。蹙曰。視吾如此。能食否。俯視地。喀喀吐出。每涕泣呼天。欲與俱去。家人頗目屬私語。然謂新死悲甚。不深疑。更八日。其舅他出家。無人。諸婦女在竈下。烈婦焚楮。作禮俯首竊淚。下閤。然向夫語。見漆工塗棺。曰。善。為之徐步入房。聞闔戶聲。縊死矣。麻葛重襲。面土尸也。

歸子曰。王土之祖父。舊為吾家比鄰。世通游好。予髫<sub>晉</sub>年從師。土亦來。長與案等耳。不謂其後。乃有賢婦異哉。一女子感慨自決。精通於鬼神。其舅云。新婦故淑婉。仁孝人也。嗟乎。是固然無疑。然余不暇論。論其大者。

無一非真實語。惜芝草等句。尚嫌附會。濡談

莖草之康寧無病也。洪範糜粥也。聲蹙作嘔噎喀喀嘔吐

### 歸熙甫韋節婦傳○

韋節婦。九江德化人。姓許氏。為同縣韋起妻。節婦歸韋氏八年。夫死。生子甫。八月。父母憐之。意欲令改適。然見其悲哀。終不敢言也。夫亡後。有所遺貲。復失之。

士勇見節婦出諸巾  
綱尤錄

著此數句即寫其艱  
難百倍處

應前悲哀二字

地靈人傑說來不著  
迹恐故姓

貧甚。幾無以自存。而節操愈厲。尤善哭其夫。哭必極哀。蓋二十餘年。其哭如初。喪之日。以故年四十而衰。髮盡白。口中無齒。如七十餘歲人。初所生八月兒。多病。死者數矣。節婦謂其姑曰。兒病如此。奈何。吾所以不死。乃以此兒。今如是。悔不從死。因仰天呼曰。天乎。不能為韋氏。延此一息乎。兒不食。即節婦亦不食。歲歲如是。至六七歲。猶病。後乃得無恙。既長。教之學。名曰必榮。已而為郡學弟子。員始有廩米之養。自未入郡學。無廩米之養。非紡績不給食也。議者以為節婦之所處。視他婦人守節者。艱難蓋百倍之。至於終身而毀。其誠蓋出於天性。尤所難者。節婦既沒。必榮以貢廷試。選為蘇州嘉定學官。贊曰。予嘗從韋先生遊。問洞庭彭蠡江水所匯處。及廬山白鹿洞。想見昔賢之遺迹。而後乃聞韋夫人之節。然先生恂恂<sub>荀</sub>儒者。其夫人之教耶。

殉夫易守節難。文似平淡而下語頗極斟酌而出之。濡識

九江德化

德化縣舊屬江西九江府。今改九江縣屬江西潯陽道。

廩米

明制。生員補廩。後有廩米可領。

洞庭彭蠡

洞庭湖。在湖南。彭蠡湖。在江西。

廬山。在江西。一名鄱陽。

廬山白鹿洞

廬山。在江西九江縣南。星子縣西北。其五老峰下。有白鹿洞。唐李渤與兄涉讀書廬山。常畜一白鹿。因以名洞。